

Date – 04/09/2025
Time - 07:30 -07:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Sorkar laipui ICT Secretary leh Census Operations Director Amit Sharma chuan Mizoram chu rel in chhun tlang chuan state dinhmun a danglam dawrh dawn a ni a ti.
2. Cooperation Minister Pu PC.Vanlalruatan thalai lehkha thiam zawk leh viak tha zawk te Cooperative Movement tuipui ve turin a sawm.
3. Sawrkar laipui chuan GST a lakna thenkhat a tihniam a. He GST rate thar hi tun thla ni 22 atanga hman tan tur a ni.
4. Union Cabinet chuan cheng vaibelchhe 1500 senna tur recycling capacity tihhmasawn nan incentive scheme a pawm.

<><><>

PM VISIT

Sorkar laipui ICT Secretary leh Census Operations Director Amit Sharma chuan Mizoram chu rel in chhun tlang chuan state dinhmun a danglam dawrh dawn a ni a ti.

Karleh inrinni-a Sairang Railway Station Prime Minister Narendra Modi an a hawn t ura inpuahchahna enpui tura lo kal Pu Sharma hian, rail station hawnni chauh atan ni lo, a hawn hnuah Mizo mipui ten rel chuanna utr nuam, felfai leh tha tak an neih theih nan te hma an la a ti a, Mizoram chu lirthei bakah thlawhna in a tlawhpawh hnuah pawimawh em em, rel in a tlawh pawh tawh dawn a, hei hi Mizo te tan chuan thil thar chhenfakawm tak a ni dawn a ni a ti.

Bairabi Sairang rel kawng hawn tur atan hian inbuatsaihna peihfel thawkhat a ni tawh tih Pu Amit Sharma –a chuan a sawi a, power, electricity, tui leh forest clearance thlengin hma an la tawh a ti a ni.

Relkawng hawn tur chungchangah hian Mizoram sorkar dept hrang hrang te pawh ngawrh takin an inbuatsaih chho zel a, Lammuala venhimna kenkawh dan tur leh mipui punkhawmna hmuna felfai taka ruahmanna a kal theih nan thil pawimawh hrang hrang sawiho a ni a venhimna pawh uluk thei ang bera kalpui a ni dawn a ni.

Nimina thutkhawma tarlan danin Sairang Railway Station pawh Railway thuneituten engkim peih fel tumin chak takin hma an la a, Union Minister of Railways leh Information & Broadcasting changtu Ashwini Vaishnaw chu a hma ni chiah September ni 12 ah alo thlen dawn thu tarlan a ni bawk.

Sairang Railway engkim peih fel tumin chak takin hma lak ani a ti a, Mizoram chuan thawhna leh lirthei hmangin hmun dang a pawh theih hnuah rel an hmang tangkai thei tur chu a lawmpui thu a sawi bawk.

<><><>

MPCC PRESS CONF

Congress Party in ramchhung state thenkhata vote dik lo tam lutuk chu duh lohna an lantir mek a, Mizoram Pradesh Congress Committee (MPCC) pawhin vawiin hian Transport department Directorate kawtah lungawi lohna lantir dawn tih MPCC Treasurer Dr Lalmalsawma Nghaka chuan a sawi.

Aizawl Press Club-a thuthar thehdarhtute a kawmnaah he thu hi sawiin MPCC Treasurer chuan tunlaia India ram politics titi lian ber chu Vote Chori (Vote rûk) chungchang a ni a ti a, He vote ruk chungchang hi Pu Rahul Gandhi chuan Media hma-ah presentation nen thla hlui ni 7 khan a rawn puangchhuak a, August ni 13 khan BJP hruaitu Anurag Thakur khan vote nuai 2, sing 9, sang 9 rinhlelhawm a awm thu a sawi bawk. Thil diklo a awm nia an rinhlelhna a rei tawh a, mahse a diklohna lai an hre mai thei lo va. Rahul Gandhi leh a team ten thla ruk chhung an chhuichian hnu ah thil diklo tamtak an hmuchhuak ta a ni, a ti.

Thil rinhlelhawm tak tak Pu Rahul Gandhi-a’n a tarlan zingah voters an address zawnchhuah ngaihna awm lo te, in khata voter 80 awmna te, room khata vote tam tak awmnate a awm thu Pu Lalmalsawma chuan a sawi a, India ram hi Democracy ram a nih angin khua leh tui ten an mi duh an vote thei tih sawiin, BJP hian Election Commission hi a thunun hle niin opposition party te chuan an ngaih thu leh, tunah hian Bihar Assembly inthlan neih turah Electoral Roll Special Intensive Revision neih mek niin, hetah pawh hian thil diklo tam tak hmuhchhuah a nih thu a sawi.

<><><>

COOPERATIVE AWARENESS FOR COLLEGE STUDENTS

Cooperation Minister Pu PC.Vanlalruatan thalai lehkha thiam zawk leh viak tha zawk te Cooperative Movement tuipei ve turin a sawm.

International Year of Cooperatives puala Govt. Aizawl College, Conference Hall, Mualpui-a Cooperatives Awareness Programme hmannaah he thu hi sawiin Pu PC Vanlalruata chuan thalai lehkha thiam zawk leh viak tha zawk ten Cooperative Movement-ah engtin nge an lo tui ve thei ang tih ngaihtuahin Awareness Campaign te an kal pui a ti a, hei bakah hian College zirlai te tan Essay writing competition tekan buatsaih mek a ni, a ti a, tunlaia mahni ke a dinna tur kawng dap a ngai tawh a. Mahni eizawnna in siam chauh ni lovin, midang te tana eizawnna siamsak tu ni thei tur khawpa taimak a, inchhiar zaua, huaisen a ngai a ni, a ti.

He hun hi Cooperative Societies Registrar Pu John L.T. Sangan kaihruaiin, Cooperation Department Secy Pu Udit Prakash Rai a pawhin hun a hmanpui a ni.

Pu Udit Prakash Rai chuan thu sawiin, Cooperatives chu dan felfai tak hnuaia intelkhawm a, pawl anga sumdawnna a ni a ti a. Mizo te chu hnam inpawh tak, a huhova thil tih thiam leh nuam ti mi hnam an ni a. Cooperatives hi an kalna tur chi tak a ni a, an tan chuan kumtin hi Year of cooperatives a ni a, vhuvingin College zirlai leh thalai ten Cooperatives movement hi bel Chiang a, hmang tangkai turin a sawm tih a sawi a ni.

<><><>

KHAWZAWL PASSION FRUIT

Chawngtlai khua ah nimin khan Sapthei Chingtute hnenah tanpuina sem a ni a.

Horticulture Dept hmalakna in MIDH (Special Intervention) 2025-2026 Scheme hnuaiah Chawngtlai khuaa Mi 127 thlanbik te hnenah Sapthei enkawlina tur hmanrua chi hrang hrang sem a ni.

Khawzawl DHO Pu Henry L. Varte leh ADHO, Pu Dodi a ten an sem a. Loneitute hi sapthei zamna, Bluebordo, Sprayer, Neemkasto leh NPK te pek an ni. Hemi bakah hian an mawmawh dang pawh la sem chhunzawm tur ani.

Khawzawl District huam chhungah hian Tualte leh Khawhai ah pawh loneitu 187 hnenah tanpuina hi la pek leh tur an ni bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

56TH GST COUNCIL

Sawrkar laipui chuan GST a lakna thenkhat a tihniam a. He GST rate thar hi tun thla ni 22 atanga hman tan tur a ni.

Union Finance Minister Nirmala Sitharaman chuan chanchinbumite hmaah GST lak dan thar chungchang sawiin mi naran leh middle class te nitin mamawh leinaah zaa 18 emaw zaa 12 emaw zaa 5 emawa tihhniam an rel a ti a. Pi Sitharaman-i chuan heng hair oil te, inbualna sahbawn, shampoo, toothbrush, toothpaste, bicylce, tableware, choka bungrua leh inchhung mamawh hrang hrangteah te GST zaa 5 chauh lak a ni tawh dawn a ti a. Bawnghnute, chena leh paneer ah te, namkeen, bhujia, sauce, pasta, noodles, chocolate, coffee, preserved meat, cornflake, butter leh ghee ah te zaa 5 chauh lak a ni tawh dawn bawk a. Heng bakah hian

GST tihhniam langsar zingah car te chi ho leh lirthei ke hnih nei 350cc chin ah GST zaa 28 lak thin chu zaa 18 a tihhniam a ni a. Bus, truck leh ambulance ah te zaa 28 atangin zaa 18 ah tihhniam a ni baw k a. Auto part zawng zawngah zaa 18 lak a ni ang a. Three wheeler ah zaa 28 atangin zaa 18 ah tlakhniam a ni baw k a.

Damlo enkawl na damdawi thenkhat natna khirkhan enkawl na damdawi chi 33 ah te zaa 12 lak thin chu lak a ni tawh dawn lo a. Cancer, natna khirkhan leh chronic disease enkawl na damdawi chi 3 ah zaa 5 lak thin chu tihtawp a ni baw k a. Heng bakah hian damdawi hrang hrangah zaa 12 lak thin chu zaa 5 ah tihhniam a ni baw k a ni.

GST Council meeting vawi 56 na hi New Delhi ah tan a neih mek a ni a. Union Finance Minister Nirmala Sitharaman chuan he inhmuhkhawm hi kaihruaiin GST kalphung siamthat tur leh tihawlsam dan tur hrang hrang an ngaihtuah a. He hunah hian Union Minister of State for Finance Pankaj Chaudhary bakah Delhi, Goa, Haryana, Jammu and Kashmir, Meghalaya leh Odisha Chief Minister te an tel a. Hei bakah hian Arunachal Pradesh, Bihar, Madhya Pradesh leh Telangana Deputy Chief Minister-te, Manipur Governor bakah State leh UT Finance Minister engemawzat an tel baw k a ni.

GST Council ah hian member a nih angin Dr. Vanlalhlana, Minister, Taxation, a tel a. Mimister hi Pu HK. Lalhawngliana, Commissioner of State Tax in a taw iawm a ni

<><><>

UNION CABINET

Union Cabinet chuan cheng vaibelchhe 1500 senna tur recycling capacity tihhmasawn nan incentive scheme a pawm. He scheme hi National Critical Mineral Mission hnuaia kalpui tur a ni a. He scheme hian a tum ber chu tualchhunga mineral pawimawh siamchhuah tihpun leh pekchhuah kawnga hmasaw nna thlen a ni.

<><><>